

սաստեաց նոցա 'ի պատուհանէ անտի, և հրամայեաց գրել զանուանս ստահակաց և ցուցանել Կառավարութեան, և Կասեալ Թարգմանն վերստին ցրուեաց զնոս, և զորդի քահանային աքսորեաց Եէնիչէրի Աղասին, և Թէոդորոս Պատրիարք կազմեաց ժողով մեծ 'ի միաբանաց և յուստաւորաց՝ հարցանել ցնութանն՝ թէ զի՞նչ կամիցին, և նոքա այլ և այլ բանիւք զմիմեանս մեղադրէին, և հանգարտեալ ցրուեցան: Իսկ Դիոնէսիոս վարդապետ որ 'ի գրի հարեալ է զայսոսիկ՝ զանուանս գլխաւոր խռովչաց չէ կամեցեալ յայտնել, այլ թողեալ է յայտնիլ 'ի Տիեզերական տտենին և Ինքն կամէր հրաժարիլ 'ի գործոյն, այլ 'ի յորդորանաց ոմանց՝ վերստին յանձն առ վաստակիլ 'ի փառս Աստուծոյ և 'ի պատիւ ազգին Հայոց, Թէոդորոս Պատրիարք գրեաց պատասխանի թղթոյն Պօղոս վարդապետի, յորում ասէ՝ Թարգման Աւետիսն վաստակի 'ի ժողովս Դատարանի, 'ի Ս. Յարութիւն ընդ Փոխանորդին և ընդ Դիոնէսիոս վարդապետին, այլ վասն դատաստանական գործոց՝ մեկնութեան և բացատրութեան բառից և իմաստից հրովարտակաց, և առանձին երթեւեկութիւն առ Դատաւորս Դիոնէսիոս վարդապետն կատարէ հաճութեամբ Խորհրդականաց, գոլով տեղեակ ամենայն եղբւրութեան. և Դէորդ Պոտուռ առաւել քան զմեզ վաստակէր 'ի պաշտաճաւոր գործս:

Ո՛վ արդեօք առ նախանձու զայլ և այլս ցուցեալ է սիրոյդ՝ միթէ Դիոնէսիոս զփառս անձին իւրոյ խնդրելով, այլոց չմիջամտել ասացեալ է. զի նա զնիհարութիւն և զտկարութիւն անձին իւրոյ 'ի բաց եղեալ, անդադար գնայր 'ի հարկաւորեալ տեղիս և վաստակէր, թէպէտ ցաւ եղեւ նմա, այլ չհանեալ 'ի վեր. վաստակեցաւ և վաստակի, մինչեւ գործն 'ի գլուխ ելցէ: Ոմանք յաջադիտոք 'ի խորհրդակցաց մերոց 'ի գրոյդ նիւթ և զօրութիւն առեալ, յարուցին աղմուկս և չփոթ 'ի վերայ նորա, մինչեւ յայտնի աղաղակել թէ կաշառեալ 'ի Յունաց արար նենգութիւն ազգին և հայրենի ժառանգութեան, տուք 'ի ձեռս յօշել զնա. Թարգմանն միայն ձեռնամուխ լիցի գործոյն. զայս ասէին, որք զԴիոնէսիոս ոչ ճանաչէին, որպէս յետոյ խոստովան եղեն. առաջնորդ ամբոխին աք-